




Broj: 01-02-1-1830/17

Sarajevo, 31. 7. 2017.

ZASTUPNIKU
U ZASTUPNIČKOM DOMU
PARLAMENTARNE SKUPŠTINE
BOSNE I HERCEGOVINE



Predmet: Prijedlog zakona o dopunama Kaznenog zakona Bosne i Hercegovine,
predlagatelj: zastupnica Aleksandra Pandurević, dostavlja se

Sukladno Odluci Kolegija Zastupničkog doma Parlamentarne skupštine Bosne i Hercegovine s 32. sjednice, održane 14. lipnja 2016., u privitku Vam dostavljam Prijedlog zakona o dopunama Kaznenog zakona Bosne i Hercegovine, čiji je predlagatelj zastupnica Aleksandra Pandurević, koji je Odjel za lektoriranje Tajništva Parlamentarne skupštine Bosne i Hercegovine lektorirao na bosanski, hrvatski i srpski jezik.

S poštovanjem,

TAJNIK
ZASTUPNIČKOG DOMA
Marin Vučkoja



Dostaviti:

- naslovu
- a/a

BOSNA I HERCEGOVINA
PARLAMENTARNA SKUPŠTINA
PREDSTAVNIČKI DOM
KLUB SDS-a
Aleksandra Pandurević, predsjedavajuća
Sarajevo, 25.juli 2017. godine

BOSNA I HERCEGOVINA
PARLAMENTARNA SKUPŠTINA
PREDSTAVNIČKI DOM
-n/r Šefika Džaferovića, predsjedavajućeg

Predmet: Prijedlog zakona o dopunama Krivičnog zakona Bosne i Hercegovine

Na osnovu člana 104. stav (1) Poslovnika Predstavničkog doma Parlamentarne skupštine BiH („Službeni glasnik BiH“, br. 79/14, 81/15 i 97/15), podnosim Prijedlog zakona o dopunama Krivičnog zakona Bosne i Hercegovine, radi razmatranja i usvajanja u Parlamentarnoj skupštini BiH.

Predlažem da se Prijedlog zakona razmatra po osnovnom zakonodavnom postupku.

U prilogu Vam dostavljam tekst Prijedloga zakona na srpskom jeziku s obrazloženjem, te elektronsku verziju Prijedloga zakona.

S poštovanjem,

Aleksandra Pandurević

P r i j e d l o g

Na osnovu člana IV. 4. a) Ustava Bosne i Hercegovine, Parlamentama skupština Bosne i Hercegovine, na _____ sjednici Predstavničkog doma, održanoj _____ 2017. godine, i na _____ sjednici Doma naroda, održanoj _____ 2017. godine, usvojila je

**ZAKON O DOPUNAMA KRIVIČNOG ZAKONA
BOSNE I HERCEGOVINE**

Član 1.

U Krivičnom zakonu Bosne i Hercegovine („Službeni glasnik BiH”, br. 3/03, 32/03, 37/03, 54/04, 32/07, 61/04, 30/05, 53/06, 55/06, 32/07, 8/10, 47/14, 22/15 i 40/15) u članu 42a. (Zamjena kazne zatvora) iza stava (3) dodaje se stav (4) koji glasi:

”(4) Odredbe iz st. (1), (2) i (3) ovog člana ne primjenjuju se na počinioce krivičnih djela iz POGLAVLJA XVI. (Krivična djela protiv integriteta Bosne i Hercegovine) ovog zakona.”.

Član 2.

U članu 44. (Uslovni otpust) iza stava (4) dodaje se stav (5) koji glasi:

”(5) Osuđeni na kaznu zatvora zbog izvršenja krivičnog djela iz POGLAVLJA XVI. (Krivična djela protiv integriteta Bosne i Hercegovine) ovog zakona ne može biti uslovno otpušten.”.

Član 3.

Ovaj zakon stupa na snagu osmog dana od dana objavljivanja u „Službenom glasniku BiH”.

PSBiH, broj _____ /17

_____ 2017. godine

Sarajevo

Predsjedavajući
Predstavničkog doma
Parlamentarne skupštine BiH

Predsjedavajući
Doma naroda
Parlamentarne skupštine BiH

OBRAZLOŽENJE

I. USTAVNOPRAVNI OSNOV

Ustavnopravni osnov za donošenje ovog zakona sadržan je u članu IV. 4. a) Ustava Bosne i Hercegovine, prema kojem je Parlamentarna skupština BiH nadležna za donošenje zakona koji su potrebni za provođenje odluka Predsjedništva ili za vršenje funkcija Skupštine prema Ustavu Bosne i Hercegovine.

Ustavnopravni osnov za donošenje ovog zakona utvrđen je prilikom njegovog prvog usvajanja i ovaj zakon je do sada više puta mijenjan.

II. RAZLOZI ZA DONOŠENJE ZAKONA

Poglavljem XVI. Krivičnog zakona BiH propisana su krivična djela protiv integriteta Bosne i Hercegovine. Dosadašnja primjena Krivičnog zakona pokazala je da su lica osuđena na osnovu člana 162b. vrlo često bila kažnjavana zatvorskim kaznom u trajanju od godinu dana koja je zamijenjena novčanom, te da su neka od njih ponavljala krivično djelo.

Predstavnički dom PSBiH je na 40. sjednici usvojio sljedeći: "**Zadužuje se Vijeće ministara BiH da u roku od 30 dana u Parlamentarnu skupštinu BiH dostavi izmjene i dopune Krivičnog zakona BiH kojima se onemogućava ublažavanje kazne i zamjena kazne zatvora novčanom kaznom za krivična djela iz člana 162b. Krivičnog zakona, kao i za krivično djelo terorizma i druga krivična djela za koja Vijeće ministara BiH procijeni da su posebno društveno opasna ili vrijeđaju dostojanstvo ličnosti i moral.**"

Nažalost, do danas ovaj zaključak nije realiziran.

Zakonom o dopuni Krivičnog zakona BiH ("Službeni glasnik BiH", broj 47/14), BiH je u KZ uvela i krivično djelo "protuzakonito formiranje i pridruživanje stranim paravojnim ili parapolicijskim snagama". Intencija zakonodavca bila je da se sankcionira društveno opasno ponašanje i unarijedi borba protiv terorizma. Međutim, praksa je pokazala da je više lica, koja su odlazila na strana ratišta, sklopilo sporazum o priznanju krivice, nakon čega im je kazna ublažena čime su ispunjeni uslovi iz člana 42a. KZ-a da kazna zatvora bude zamijenjena novčanom. Ovo ne samo da je izazvalo uzinemirenje javnosti, nego je otvorilo opasnost od ponavljanja krivičnog djela. Stoga smatramo da za navedeno krivično djelo nije prihvatljivo ublažavati kaznu i omogućavati njenu zamjenu novčanom kaznom.

Podsjećamo, od šest pravosnažno osuđenih lica pred Sudom BiH za krivično djelo iz člana 162b. KZ BiH, njih četvero osuđeno je na zatvorskiju kaznu u trajanju od godinu dana, dok je po jednom licu izrečena kazna zatvora u trajanju od tri godine i šest mjeseci, odnosno godinu i šest mjeseci. Također, nepravosnažno je osuđeno jedno lice i to na zatvorskiju kaznu od godinu dana.

Ne ograničavajući se na krivična djela terorizma, protuzakonitog formiranja i pridruživanja stranim paravojnim ili parapolicijskim snagama, krivična djela propisana Poglavljem XVI. Krivičnog zakona

BiH jesu djela od najveće društvene opasnosti, zbog čega je potrebno primijeniti represivnije odredbe, odnosno onemogućiti zamjenu zatvorske kazne za novčanu, kao i prijevremeno puštanje na slobodu osuđenih lica.

III. PRINCIPI NA KOJIMA JE ZASNOVAN ZAKON

Prilikom izrade ovog zakona vodilo se računa o principima koje je obrađivač dužan poštovati. Prije svih, rukovodilo se principom neophodnosti, s obzirom na to da su dopune svedene na najmanju moguću mjeru, a njihovo usvajanje potrebno je zbog toga što se njima predlaže onemogućavanje primjene instituta uslovnog otpusta, odnosno izricanja novčane kazne, umjesto kazne zatvora za počinioce krivičnih djela protiv integriteta Bosne i Hercegovine.

Princip efektivnosti koji je također uzet u obzir jer je zakon u potpunosti primjenjiv i njime se rješavaju konkretni problemi na koje su ukazali različiti subjekti.

Princip konzistentnosti je također uzet u obzir s obzirom na to da predviđene izmjene zakona doprinose većoj pravnoj sigurnosti i predvidljivosti, a konzistentne su sa osnovnim tekstom zakona.

IV. FINANSIJSKA SREDSTVA

Za provođenje ovog zakona nisu potrebna dodatna finansijska sredstva.

ODREDBE KRIVIČNOG ZAKONA BiH KOJE SE DOPUNJAVAJU

Zamjena kazne zatvora

Član 42a.

- (1) Izrečena kazna zatvora do jedne godine može se, na zahtjev osuđenog, zamijeniti novčanom kaznom koja se plaća u jednokratnom iznosu u roku do 30 dana.
- (2) Kazna zatvora zamjenjuje se novčanom kaznom tako što se svaki dan izrečene kazne zatvora izjednačava s jednim dnevnim iznosom novčane kazne ili sa 100 KM, ako se novčana kazna utvrđuje u određenom iznosu.
- (3) Ako se novčana kazna ne plati u roku iz stava (1) ovog člana, sud će donijeti odluku o izvršenju kazne zatvora. Ako se novčana kazna plati samo djelimično, izvršiće se kazna zatvora srazmjerno iznosu koji nije plaćen.

Uslovni otpust

Član 44.

- (1) Osuđeni koji je izdržao polovinu, te izuzetno osuđeni koji je izdržao jednu trećinu kazne zatvora, može biti oslobođen izdržavanja kazne zatvora pod uslovom da ne učini novo krivično djelo prije isteka trajanja kazne (uslovni otpust).
- (2) Osuđeni koji je izdržao polovinu kazne zatvora može biti oslobođen izdržavanja kazne zatvora ako se za vrijeme izdržavanja kazne zatvora njegovo ponašanje popravi do te mjere da se može opravdano očekivati da će se nakon otpusta s izdržavanja kazne zatvora ponašati primjereno, a naročito da neće učiniti krivična djela. Prilikom odlučivanja o uslovnom otpustu osuđenog, uzeće se u obzir njegovo ponašanje u toku izdržavanja kazne kao i druge okolnosti koje ukazuju na to da je svrha kažnavanja postignuta.
- (3) Osuđeni koji je izdržao jednu trećinu kazne zatvora može biti uslovno otpušten ukoliko postoje uslovi iz stava 1. ovog člana i ukoliko posebne okolnosti vezane za ličnost osuđenog jasno ukazuju da je postignuta svrha kažnavanja.
- (4) Osuđeni na kaznu dugotrajnog zatvora može biti uslovno otpušten nakon izdržane tri petine te kazne.

ODREDBE KRIVIČNOG ZAKONA BiH S UGRAĐENIM PREDLOŽENIM DOPUNAMA

Zamjena kazne zatvora

Član 42a.

- (1) Izrečena kazna zatvora do jedne godine može se, na zahtjev osuđenog, zamijeniti novčanom kaznom koja se plaća u jednokratnom iznosu u roku do 30 dana.
- (2) Kazna zatvora zamjenjuje se novčanom kaznom tako što se svaki dan izrečene kazne zatvora izjednačava s jednim dnevним iznosom novčane kazne ili sa 100 KM, ako se

novčana kazna utvrđuje u određenom iznosu.

- (3) Ako se novčana kazna ne plati u roku iz stava (1) ovog člana, sud će donijeti odluku o izvršenju kazne zatvora. Ako se novčana kazna plati samo djelimično, izvršiće se kazna zatvora srazmjerno iznosu koji nije plaćen.
- (4) **Odredbe iz st. (1), (2) i (3) ovog člana ne primjenjuju se na počinioce krivičnih djela iz XVI. POGLAVLJA (Krivična djela protiv integriteta Bosne i Hercegovine) ovog zakona.**

Uslovni otpust

Član 44.

- (1) Osuđeni koji je izdržao polovinu, te izuzetno osuđeni koji je izdržao jednu trećinu kazne zatvora, može biti oslobođen izdržavanja kazne zatvora pod uslovom da ne učini novo krivično djelo prije isteka trajanja kazne (uslovni otpust).
- (2) Osuđeni koji je izdržao polovinu kazne zatvora može biti oslobođen izdržavanja kazne zatvora ako se za vrijeme izdržavanja kazne zatvora njegovo ponašanje popravi do te mjere da se može opravdano očekivati da će se nakon otpusta s izdržavanja kazne zatvora ponašati primjereno, a naročito da neće učiniti krivična djela. Prilikom odlučivanja o uslovnom otpustu osuđenog, uzeće se u obzir njegovo ponašanje u toku izdržavanja kazne kao i druge okolnosti koje ukazuju na to da je svrha kažnavanja postignuta.
- (3) Osuđeni koji je izdržao jednu trećinu kazne zatvora može biti uslovno otpušten ukoliko postoje uslovi iz stava 1. ovog člana i ukoliko posebne okolnosti vezane za ličnost osuđenog jasno ukazuju da je postignuta svrha kažnjavanja.
- (4) Osuđeni na kaznu dugotrajnog zatvora može biti uslovno otpušten nakon izdržane tri petine te kazne.
- (5) **Osuđeni na kaznu zatvora zbog izvršenja krivičnog djela iz XVI. POGLAVLJA (Krivična djela protiv integriteta Bosne i Hercegovine) ovog zakona ne može biti uslovno otpušten.**